



Universitätsbibliothek Paderborn

Instructio practica ...

De Sacerdotii Origine & Præstantia - Variis item Industriis, & Praxibus,
quibus Sacerdotes boni ad Dei gloriam suámque & Proximi salutem
promovendam sunt usi ; Malorvm Qvoqve Sacerdotvm infelici interitu,
radicibus, & remediis Cui etiam Compendium Ritualis, ea, quæ pro
commodiori Sacramentorum & ...

Lohner, Tobias

Dilingæ, 1681

Membrum 8. De sacris Ordinibus.

[urn:nbn:de:hbz:466:1-48600](#)

Accende, Domine, mentes eorum, & corda ad amorem gratiae tuae, ut illuminati vultu splendoris tui fideliter tibi in sancta Ecclesia deserviant. Per eundem Christum Dominum nostrum. R. Amen.

OREMUS.

Domine Sancte, Pater Omnipotens, aeternae DEUS, qui ad Moyse & Aaron locutus es, ut accenderentur lucerne in tabernaculo testimonii bene & dicere dignare hos Famulos tuos, ut sint Acolythi in Ecclesia tua. Per Christum Dominum nostrum. R. Amen.

OREMUS.

Omnipotens semperne DEUS, fons lucis, & origo bonitatis, qui per IESUM Christum Filium tuum, lumen verum, mundum illuminasti, ejusque Passionis mysterio redemisti, bene & dicere dignare hos Famulos tuos, quos in officium Acolytorum consecramus, poscentes clementiam tuam, ut eorum mentes, & lumine scientiae illustres, & pietatis tuae rore irriges, ut ita acceptum Ministerium, te auxiliante, peragant, qualiter ad aeternam retributionem pervenire mereantur. Per eundem Christum Dominum nostrum. R. Amen.

VIII. Posthac suggestente Archidiacono Ordinati redeunt ad loca sua.

MEMBRUM VIII.

DE SACRIS ORDINIBUS.

I. **S**acri b. & Majores c. Ordines sunt, Subdiaconatus, Diaconatus, & Presbyteratus, ad quos ordinati omnes debent communicare, ideo parentur pro eorum numero hostiae parvae conserandae.

B. Etsi juxta communioem sententiam etiam Minoris Ordinis

Ordines verum sunt Sacramentum, atque adeò sub hoc responsum etiam Sacri meritò dicantur, hoc tamen loco pressius nomen Sacri accipitur pro tali Ordine, qui votum Continentiae ex institutione Ecclesiae annexum habet, & per quod Ordinati DEO & Ecclesiae sic consecrantur, ut Matrimonium & Statum Laicalem in perpetuum evitare teneantur, ob quam causam ejusmodi Sacri Ordines inter impedimenta Matrimonium dirimentia numerantur.

C. Sic dicti, quia proximè ad S. Eucharistiam, à qua Ordo omnem Sanctitatem accipit, accedunt, Sacerdos quidem illum confiendo, Diaconus etiam dispensando, Subdiaconus vaia sacra & materiam subministrando; & ideo ex his Ordinibus nunquam plures simul eodem die, ut in Minoribus fieri consuevit, conferuntur, sed & certa etiam interstitia ordinariè observari præcipiuntur, tum ut majori reverentia & præparatione ad eos accedatur; tum, ut tanti ministerii gratia magis estimetur; tum ut Ordo jam suscepitus exerceatur, antequam altior suscipiatur, & ad illum promerendum pietatis & virtutum merita augeantur.

MEMBRUM IX.

DE ORDINATIONE SUB-DIACONI.

L. Pro Ordinatione Subdiaconorum d. parentur calix vacuus e. cum Patena superposita f. Urceoli cum manutergio, & liber Epistola-
rum. g.

D. Sic dicti, quia inferiores sunt Diaconi, eique instrumenta ministrant, per quae serviat Diaconus Presbytero.

E. Quæ est partialis materia hujus Ordinis, & materiam Presbyteratus ex hoc capite distinguit à Subdiaconatus ma-
teria, quod Presbytero calix vino instructus, non item Sub-
diacono offeratur.

F. Quæ itidem ob eandem causam vacua esse debet.

G. Qui est altera partialis materia hujus Ordinis juxta
communem sententiam,

II. Aco-

